

**Ufficio Stampa della Provincia autonoma di Trento**

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

**COMUNICATO n. 2222 del 17/08/2021**

**Traduzione in ladino**

## **Avis per l'recuperament de banchèdes agricoles tradizionèles: co fèr a portèr dant la domana**

Dai 16 de aost se pel portèr dant la domanes de contribut pervedudes da l'Avis 2021 per intervenc de recuperament e comedament di mures a sech e de la banchèdes agricoles tradizionèles, a valer sul Fon per la neva calificazion di insedimenc storics e del paesaje, aldò de chel che l'é stat stabilì da na deliberazion de la Jonta aproèda da pech aldò de na proponeta de l'assessor a l'urbanistica e ambient. Pel domanèr 1 contribut, demò i privac, opuramente la personnes fisiches o aziendes agricoles e autra firmes che les é patrones de mures a sech delaïte del tegnir del Trentin, e che les vel meter a jir lurieres de recuperament e comedament. Ai raions de la Val de Cembra e de la Val de Gresta scric ite tel register nazionèl di paesajes de campagna de la usanzes agricoles e de la cognoscenze tradizionèles ge é stat resservà l derit de prezedenza.

La domanes les pel vegnir portèdes dant con scomenz dai 16 de aost del 2021 enscin ai 15 de otobre del 2021, con chesta modalitàdes:

- tras posta eletronica (zertifichèda e no) demò a la direzion [serv.urbanistica@pec.provincia.tn.it](mailto:serv.urbanistica@pec.provincia.tn.it);
- tras racomanèda con rezepis de retorn, e te chest cajo fèsc fe l stempel de l'ofize de posta che l la ciapa, al Servije Urbanistica e stravardament del paesaje;
- a man al Servije Urbanistica e stravardament del paesaje, a Trent te Strèda Mantova, 67 da les nef da doman a mesdì, opuramente ti portie de assistenza e informazion al publich de la Proviniza autonoma de Trent loghé fora per l raion.

La documentazion che ge vel portèr dant l'é chela che l'é sun chest link:

[http://www.urbanistica.provincia.tn.it/fondo\\_paesaggio/-privati/pagina123.html](http://www.urbanistica.provincia.tn.it/fondo_paesaggio/-privati/pagina123.html)

**Traduzion di Servijes Linguistics e Culturèi del Comun general de Fascia**

(Traduzione a cura dei Servizi Linguistici e culturali del Comun general de Fascia)

(cdt)